



Na osnovu člana 5.30 stav (5) i (6), člana 5.31 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 29/18 i 25/20), Centralna izborna komisija Bosne i Hercegovine je na 6. sjednici, održanoj 11.01.2021. godine d o n i j e l a

## N A R E D B U

- (1) Nalaže se Glavnom centru za brojanje da izvrši brojanje glasačkih listića i utvrdi rezultate izbora na biračkom mjestu 155A019 za nivo izborne jedinice gradskog područja 2 (Stari Grad)-155 po političkim subjektima i kandidatima političkih subjekata.
- (2) Brojanje i utvrđivanje rezultata izbora, koje je započelo dana 10.01.2021. godine u 10,00 sati u Glavnom centru za brojanje u objektu „ZETRA“ u ulici Alipašina bb, Sarajevo i nastavlja se prema dinamici koju će utvrđivati direktor Glavnog centra za brojanje.
- (3) Brojanje i utvrđivanje rezultata izbora iz stava (1) ove naredbe izvršiti u skladu sa odredbama Pravilnika o provođenju izbora u Bosni i Hercegovini („Službeni glasnik BiH“, br. 25/20, 38/20, 63/20, 70/20 i 72/20) i Pravilnika o organizaciji rada i utvrđivanju rezultata glasanja u Glavnom centru za brojanje za Lokalne izbore 2020. godine („Službeni glasnik BiH“, broj 73/20).
- (4) Kandidati i politički subjekti iz stava (1) ove naredbe koji se pojavljuju na glasačkom listiću za koji se vrši brojanje i utvrđivanje rezultata izbora mogu biti prisutni u toku brojanja kao i akreditovani posmatrači za Glavni centar za brojanje.
- (5) Ova naredba stupa na snagu danom donošenja i objavljuje se na internet-stranici Centralne izborne komisije Bosne i Hercegovine [www.izbori.ba](http://www.izbori.ba), i smatrat će se da je danom objavljivanja ista dostavljena svim kandidatima političkog subjekta i akreditovanim posmatračima.

## O b r a z l o ž e n j e

S obzirom da je provjerom i uvidom u izborne rezultate koji su objavljeni na internet-stranici Centralne izborne komisije BiH i obrazac za zbirne rezultate ZR (većinski glas) utvrđeno neslaganje broja osvojenih glasova i broja glasova unesenih u Aplikaciju JIIS za više političkih subjekata, Centralna izborna komisija Bosne i Hercegovine je u smislu člana 5.30 stav (5) i (6) Izbornog zakona Bosne i Hercegovine po službenoj dužnosti, a u interesu zaštite izbornog prava i donijela ovu naredbu.

Protiv ove naredbe nije dozvoljena posebna žalba.

Broj: 05-1-07-11-48-2/21  
Sarajevo, 11.01.2021. godine

Dostavljeno:

- Glavnom centru za brojanje
- Skladište Centralne izborne komisije BiH
- a/a



Zamjenjuje predsjednika  
Vanja Bjelica-Prutina, članica